

/2016 FORU AGINDUA, koa, Ogasuneko eta Finantza Politikako kontseilariak emana, sozietateen gaineko zergaren autolikidaziorako 220 eredua onesten duena zerga-kontsolidazioaren araubidearen bidez tributatzen duten talde fiskalentzat, 2015eko urtarrilaren 1etik abenduaren 31ra bitartean hasitako zergaldietarako, eta aitorpenak aurkezteko arauak ematen dituena.

Sozietateen gaineko zergari buruzko abenduaren 30eko 24/1996 Foru Legearen X. tituluaren VIII. kapituluak zerga-kontsolidazioaren araubidea erregulatzen du, eta ezartzen du talde fiskalak, tributazio araubide hori aukeratzen dutenean, zergaren subjektu pasibotzat hartuko direla.

Aipatu foru legearen 116.2 artikulua ezartzen duenez, sozietate nagusiak izanen du talde fiskalaren ordezkaritza, eta behartua egonen da, bestetik, zerga-kontsolidazioaren araubidearen ondoriozko zerga-betebehar material eta formalak betetzera.

Nafarroako Zerga Ogasunaren esparruan baliabide elektroniko, informatiko eta telematikoen (EIT) erabilera arautzen duen uztailaren 17ko 50/2006 Foru Dekretuak Nafarroako Zerga Ogasunaren esparruan tributuen aplikaziorako teknika elektroniko, informatiko eta telematikoen ugaritzeari eta hobetzeari heltzen die, alde batetik zergapekoek errazago bete ahal izateko zerga-betebeharrak (bai materialak bai formalak), eta bestetik, errespetatzeko haien eskubideak eta bermeak, eta, azkenik, tributuen aplikazioan Administrazioaren eraginkortasuna areagotzeko.

Beraz, Nafarroako Zerga Ogasunak aitorpenen aurkezpen telematikoen arloan duen esperientziaren arabera, eta kontuan izanik zergapekoek gero eta gehiago eskatzen dutela teknologia berriak erabili ahal

izateko aukera Zerga Administrazioarekin dituzten harremanetan, xedatzen da, aurreko ekitaldietan bezala, bide telematikoa izan dadila sistema bakarra 220 eredia aurkezteko, foru agindu honen bidez onesten den eredia, hain zuzen ere.

Foru agindu honetan Interneten bidezko aurkezpen telematikoa egiteko baldintza orokorrak eta prozedura finkatzen dira. Gainera, Nafarroako Zerga Ogasunak prestatu duen laguntza-programa erabiltzen ez duten zergapekoek bidali beharreko aitorten-likidazioen fitxategiek eduki beharreko erregistroen diseinuak zehazten dira. Aipatutako erregistroen diseinuak Nafarroako Zerga Ogasunaren web-orrialdean zehazten dira, Interneteko helbide honetan: <http://www.hacienda.navarra.es>.

Estatuaren eta Nafarroako Foru Komunitatearen arteko Hitzarmen Ekonomikoan xedatutakoaren arabera bi administrazioei ordaindu behar dieten eta Nafarroakoaz besteko tributazio kontsolidatuaren araudia aplikatzen duten talde fiskalek, aldiz, beren aitortenak aurkezten ahalko dituzte fitxategi bat bide telematikoen bitartez igorritz, horretarako betez, zein administrazioaren araudia aplikatzen den, administrazio horrek dagokion eredurako zehazten dituen erregistroen diseinuak, edo, bestela, 320 eredia aurkeztuz, hots, "Nafarroakoaz besteko araudiko sozietateen gaineko zerga" izeneko, Ekonomia, Ogasun, Industria eta Enplegu Kontseilariaren uztailaren 5eko 257/2013 Foru Aginduaren bidez onetsia.

Tributuei buruzko abenduaren 14ko 13/2000 Foru Lege Orokorraren zazpigarren xedapen gehigarrian baimena ematen zaio Ekonomia eta Ogasuneko kontseilariari foru agindu bidez arautu dezan zergadunek eta entitateek zein kasu eta baldintzatan aurkezten ahal dituzten baliabide elektroniko, informatiko eta telematikoen bitartez aitortenak, jakinarazpenak, aitorten-likidazioak, autolikidazioak edo tributuen arloko araudiak eskatutako beste agiri guztiak.

Horrenbestez,

AGINDU DUT:

1. artikulua. Sozietateen gaineko zergaren autolikidaziorako 220 eredua onestea, zerga-kontsolidazioaren araubidearen bidez tributatzen duten talde fiskalenzat.

1. Sozietateen gaineko zergaren autolikidaziorako 220 eredua onesten da sozietateen gaineko zerga arautzen duen abenduaren 30eko 24/1996 Legearen X. tituluko VIII. kapituluaren ezartzen den zerga-kontsolidazioaren araubidearen bitartez tributatzen duten talde fiskalenzat, 2015eko urtarrilaren 1etik abenduaren 31ra bitartean hasitako zergaldietarako.

2. Subjektu pasibo guztiek baliabide telematikoak erabiliz aurkeztu behar dute 220 eredua, zeinahi delarik eragiketen bolumena, 5. artikuluan ezarritako baldintza orokorreari eta 6. artikuluan ezarritako prozedurari jarraikiz.

2. artikulua. Aitortu beharra.

Sozietateen gaineko zerga arautzen duen abenduaren 30eko 24/1996 Foru Legearen X. tituluko VIII. kapituluaren ezartzen den zerga-kontsolidazioaren araubidearen bitartez tributatzen duten talde fiskalei dagokien autolikidazioa, 220 ereduaren arabera egina, aurkeztuko dute Estatuaren eta Nafarroako Foru Komunitatearen arteko Hitzarmen Ekonomikoaren 27. artikuluari jarraikiz Nafarroako foru araudia aplikatzen duten talde fiskalek.

Nafarroakoaz besteko araudia aplikatzen duten talde fiskalek foru agindu honen 5. artikuluan xedatutakoari jarraikiz aurkezten ahalko dituzte autolikidazioak.

3. artikulua. Sozietateen gaineko zergaren autolikidaziorako 220 eredua aurkezteko modua.

1. Autolikidaziorako 220 eredua aurkeztu behar du taldeko sozietate nagusi edo buru den entitateak, bertan eskatzen diren datuetatik dagozkien guztiak behar bezala beteta.

2. Sozietateen gaineko zerga arautzen duen Foru Legearen 116.3. artikuluan xedatutakoarekin bat, taldeko sozietate bakoitzak egin behar dituen aitorten-likidazioak, baita taldeko nagusi edo buru den entitateak egin behar dituenak ere, S-90 ereduan aurkeztuko dira, bertako eskakizun guztiak beteta, harik eta banakako tributazio araubidean entitate horiek ordaindu edo jaso beharko lituzketen zenbateko likido teorikoak zehaztu arte. Bestalde, aitorten horietan dagoen likidazioan zerga-oinarria negatiboa edo zero baldin bada, S-90 ereduan jarri beharko dira hobariei eta kenkariei buruzko datu guztiak.

4. artikulua. Aurkezteko epea, eta ordaindu edo itzultzeko modua.

1. 220 eredua taldeko sozietate nagusi edo buru den entitatearen banakako tributazio-araubideko aitortenari dagokion epean aurkeztu beharko da.

2. Taldeetako sozietate nagusi edo buru diren entitateak, 220 ereduaren aitorten-likidazioa aurkeztu behar dutenean, behartuta egonen dira autolikidaziotik ateratzen den tributu-zorra Nafarroako Zerga Ogasunaren laguntzaile den edozein finantza entitatetan sartzera. Diru-sarrera egiteko "741 ordainketa-gutuna" eredua erabiliko da. Gainera, Nafarroako Zerga Ogasunak ordaintzeko onartzen duen beste edozein bide erabiliz egin dezakete diru-sarrera.

Egindako autolikidaziotik dirua itzultzeko ateratzen bada, adierazi beharko da zein entitate eta kontutan ordaindu behar den, aitorpenak horretarako duen atalean.

5. artikulua. Autolikidazioen aurkezpen telematikorako baldintza orokorrak.

1. 220 ereduaren aurkezpen telematika egiteko, baldintza hauek bete beharko dira:

a) Aitortzaileak identifikazio fiskaleko zenbakia eduki beharko du (IFZ).

b) Aitortzaileak ziurtagiri elektronikoa eduki beharko du, Nafarroako Zerga Ogasunak onartua, Nafarroako Zerga Ogasunaren esparruan baliabide elektronikoa, informatikoa eta telematikoen (EIT) erabilera arautzen duen uztailaren 17ko 50/2006 Foru Dekretuan ezarrita dagoenari jarraikiz.

Ziurtapen zerbitzuen emaileak eta baimenduta dauden ziurtagiri elektronikoak dagokien atalean aipatzen dira; Interneteko <http://www.hacienda.navarra.es> helbidetik abiatuta iristen ahal da atal horretara.

c) Aitorpenak, komunikazioak eta zerga arloko beste agiri batzuk hirugarren pertsonen izenean telematika bidez aurkezteko eta tributu zorren ordainketa telematika bidez tramitatzeko kanpo-lankidetzarako akordioa onesten duen ekainaren 29ko 130/2009 Foru Aginduan xedatutakoarekin bat, aitorpenak hirugarrenen izenean egiteko baimenduta dagoen pertsona edo entitate bat baldin bada aurkezlea, Nafarroako Zerga Ogasunak aurreko b) letran adierazitakoaren arabera onartutako ziurtagiri elektronikoa eduki beharko du.

d) Aitortzaileak edo, bidezkoa bada, aurkezle baimendunak, igorri beharreko aitortpena jasotzen duen fitxategia lortzeko laguntza-programa bat erabili beharko du aurretik. Laguntza-programa hori Nafarroako Zerga Ogasunak 220 ereduko aitortpenetarako prestatu duena edo formatu bereko fitxategi bat sortzen duen beste bat izan daiteke.

Fitxategi horien edukia Nafarroako Zerga Ogasunaren web orrialdean ezarritako erregistro diseinuetara egokituko da (<http://www.hacienda.navarra.es>).

e) Aitortzaileek aurkezpen telematikoko hori egiteko eskatzen diren arau teknikoak bete beharko dituzte. Arau horiek Nafarroako Zerga Ogasunaren web orrialdean daude ikusgai, Interneteko <http://www.hacienda.navarra.es> helbidean.

2. Telematika bidez igortzen diren aitortpenetan akats formalen bat atzematen denean, sistemak berak emanen dio horren berri aitortzaileari errore-mezuen bitartez, behar diren zuzenketak egin ditzan.

3. Estatuaren eta Nafarroako Foru Komunitatearen arteko Hitzarmen Ekonomikoan xedatutakoaren arabera bi administrazioei ordaindu behar dieten eta Nafarroakoaz besteko tributazio kontsolidatuaren araudia aplikatzen duten talde fiskalei dagozkien autolikidazioak honela aurkezten ahalko dira:

a) Nafarroako Foru Komunitatean aurkeztu behar diren aitortpenak lortzeko, subjektu pasiboek Zerga Administrazioako Estatu Agentzian edo EAeko foru ogasunetan aurkeztutako aitortpenaren kopia bat gordeko dute, administrazio horiek eredu bakoitzarentzat zehazten dituzten erregistro diseinuetara egokitutako fitxategi informatikoan.

b) Aipatu fitxategi informatikoa telematika bidez igorriko da, Nafarroako Foru Komunitatean aurkezteko, eta dagokion diru-sarrera egingen da, edo itzulketa eskatuko, 4.2 artikuluan xedatutakoari jarraikiz.

Bestela, 3. atal honetan aipatutako autolikidazioak 320 ereduaren bidez aurkezten ahalko dira, hots, "Nafarroakoaz besteko araudiko sozietateen gaineko zerga" izenekoaren bidez (Ekonomia, Ogasun, Industria eta Enpleguako kontseilariaren uztailaren 5eko 257/2013 Foru Aginduaren bidez onetsia).

6. artikulua. Nafarroako araudiko 220 ereduari dagozkion aitortpenak eta beste administrazio batzuetan aurkeztutako aitortpenen kopiak Interneten bidezko baliabide telematikoekin aurkezteko prozedura.

a) Nafarroako araudiko 220 ereduari dagozkion aitortpenak Interneten bidezko baliabide telematikoekin aurkezteko Nafarroako Zerga Ogasunak garatutako laguntza-programa erabiliz, honako urrats hauek egin beharko dira:

1. Aitortpena betetzea, laguntza-programa erabiliz.

2. Aitortpena bete ondoren, balidatu egin behar da, aurkeztu aurretik.

3. Aitortpena balidatu ondoren, Interneten bidez igortzen ahalko da. Igorpen berean aitortpen bat baino gehiago sar daiteke, betiere eredu eta urte berekoak baldin badira.

4. Aitortpena igorri ondoren, sistemak erantzunen du, hartu-zenbakia eta aurkezpenaren eguna eta ordua emanda. Gero, igorpena balidatu eta prozesatu ondoren, haren emaitza egiaztatzen ahalko da, aitortpenak kontsultatzeko aplikazioari esker, Interneteko ondoko helbidean: <http://www.hacienda.navarra.es>.

b) Beste administrazio batzuetan aurkeztutako aitopenen kopiak Interneten bidezko baliabide telematikoekin aurkezteko, prozesu honi jarraitu behar zaio:

1. Nafarroako Ataritik, Ogasunarekin egiten diren izapideen zerbitzuan sartu.

2. Egin beharreko aitopenen araudia eta eredia aukeratu, eta fitxategia inportatu.

3. Inportazioa egin ondoren, igortzeko aukera erabili. Aitorpena zuzen egin bada, sistemak balidatuko du. Akatsik atzeman ez gero, datu-orriaren bidez emanen da horren berri, eta haiek zuzendu arte ezin izanen da aitopena aurkeztu.

4. Lotea igorri ondoren, sistemak erantzunen du, hartu-zenbakia eta aurkezpenaren eguna eta ordua emanda. Gero, igorpena balidatu eta prozesatu ondoren, haren emaitza egiaztatzen ahalko da, aitopena kontsultatzeko aplikazioari esker, Interneteko ondoko helbidean: <http://www.hacienda.navarra.es>.

Azken xedapen bakarra.

Foru agindu honek Nafarroako Aldizkari Ofizialean argitaratu eta biharamunean hartuko du indarra.

Iruñean, (e)ko aren (e)an

OGASUNEKO ETA FINANTZA POLITIKAKO KONTSEILARIA



,

Mikel Aranburu Urtasun